



**Clypevs Theologiæ Thomisticæ**

Continens Tractatus de attributis, de visione Beatifica, de scientia Dei, ac  
de ejus voluntate, & Providentia

**Gonet, Jean-Baptiste**

**Parisiis, 1669**

§. I. Primus dicendi modus rejicitur,

---

[urn:nbn:de:hbz:466:1-77232](#)

In auditu; tamen in ratione speciei visibilis, solùm potest uniri potentia visivæ habenti virtutem ad videndum cum illa: quia speciem uniri in ratione speciei, nihil aliud est, quam uniri in ratione repræsentantis objectum, quod constat reprezentari non posse, nisi potentia habenti virtutem illud cognoscendi: Sed intellectus creatus, sine lumine gloriæ, non habet sufficientem virtutem, ut utatur divinâ essentia ad elicendam visionem Dei: Ergo ut apud sit ad unionem cum illa in ratione speciei intelligibilis, per lumen gloriæ debet disponi.

**13.** Dico secundo: Lumen gloriæ necessarium est, ut intellectum elevet ad visionem Dei elicendam. Est etiam contra Vazquem citatum.

Probatur: Videre Deum est visionem elicere: Ergo cùm lumen gloriæ requiratur ad videndum Deum (ut ostendimus articulo præcedenti) illud ad visionem Dei elicendam necessarium erit.

Confirmatur, & magis explicatur hæc ratio. Visio Dei est actio vitalis: Ergo à potentia vitali, nemp; intellectu, debet esse elicita: Sed non potest elici ab intellectu propriæ virtute, aut secundum sua naturalia considerato: Ergo solùm ab intellectu, per lumen gloriæ elevato. Unde D. Thomas hic art. 5. *Cum igitur virtus naturalis intellectus creatus, non sufficiat ad Dei essentiam videndam, oportet quod ex divina gratia superacrescat ei virtus intelligendi, eo hoc augmentum virtutis intellectiva, illuminationem intellectus vocamus.*

**14.** Dices cum Vazque: Defectum facultatis & virtutis, qui est in intellectu creato ad videndum Deum, sufficienter suppleri per essentiam divinam, in ratione speciei intelligibilis ei unitam.

Sed contra primò: Improprio virtutis & facultatis ad elicendam visionem beatam, importat etiam improportionem ad utendum specie, sive ad recipiendam essentiam divinam loco speciei: Ergo ut fiat proximè capax illam recipendi, indiget elevatione & confortatione luminis gloriæ.

Secundò, Species supplens vicem objecti, non dat virtutem potentiae ad illud videndum, sed eam supponit: ut pater in eo qui habet iesam vel debitum potentiam visivam: nam quantumcunque species visibilis objecti, perfectæ & efficaces ponantur in oculo, non sanatur neque confortatur visus ejus: Ergo defectus virtutis qui est in intellectu creato ad videndum Deum, non potest sufficienter suppleri per essentiam divinam in ratione speciei intelligibilis ipsi unitam.

Tertiò, Improprio quæ est in intellectu ad elicendum actum fidei, non suppletur per solam speciem objecti creditibl: Ergo à fortiori, insufficiente & improprio quæ est in illo ad visionem beatificam elicendam, suppleri non potest per solam unionem essentia divina in ratione speciei, sed debet necessariò confortari & elevari per lumen gloriæ ad videndum, sicut per lumen fidei elevatur ad credendum.

**15.** Dico tertio: Lumen gloriæ esse necessarium ut disponat intellectum ad recipiendam visionem beatificam.

Hæc conclusio sequitur ex præcedenti: Nam actio immanens recipitur in eodem subiecto à quo elicitur: Ergo si lumen gloriæ requiratur, ut intellectus creatus elicit visionem beatificam, illud etiam erit dispositio necessaria, ut eam in se recipiat.

## ARTICVLVS III.

*Vtrum per potentiam Dei absolutam, possit intellectus creatus videre Deum sine lumine gloriæ, per modum habitus, vel auxiliij communicato?*

**16.** **P**artem affirmantem tenent communiter recentiores, licet illam eodem modo non explicit. Quidam enim volunt, Deum in ratione luminis uniti posse intellectui creato, sicut ei unitur in ratione speciei intelligibilis. Ita aliqui quos refert Ledesima de perfect. Dei quæst. 8. art. 8. & probable reputat Asturicensis in relect. de gratia Christi quæst. 6. Alij docent intellectum creatum posse reddi intrinsecè potentem ad videndum Deum, per specialem ejus assistentiam, & concursum simultaneum ordinis supernaturalis, sine impressione alicuius virtutis, aut qualitatis supernaturalis. Ira Molina hic disp. 1. Vazquez disp. 46. cap. 2. Arrubal, & alij recentiores communiter. Alij verò, ut Suarez, & Meratius, recurrunt ad aliquam potentiam obedientialem, proximè & immediatè activam, & producivam actuum supernaturalium, quam dicunt singulis rebus creatis naturaliter esse congenitam, & compleri per concursum simultaneum ordinis supernaturalis.

Sententia negans, & docens implicare contradictionem, intellectum creatum elevari ad visionem beatificam, sine lumine gloriæ, per modum habitus vel auxiliij communicato, communis est in Schola D. Thoma, & aperte deducitur ex principiis ab ipso variis in locis statutis, ut patet ex infra dicendis.

## §. I.

*Primus dicendi modus rejicitur.*

**17.** **D**ico primò: Licet essentia divina possit uniti intellectui creato, in ratione speciei intelligibilis, non tamen in ratione luminis illam confortantis, & elevantis.

Probatur ex principiis supra statutis: Magna enim est disparitas, inter speciem impressam, & lumen gloriæ; nam species impressa est forma intelligibilis, se tenens ex parte objecti, & eisdem perfectionis, & immaterialitatis cum illo; unde ad illam non requiritur inherentia, vel informatio, sed tantum convenientia, & similitudo cum objecto: nam inherentia, aut informatio pertinent ad genus physicum, & per accidentem se habent ad genus intelligibile; lumen autem gloriæ, est forma physica, tenens se ex parte potentie, quare requirit inherentiam, & informationem: unde cum divina essentia non possit informare intellectum creatum, non potest illi uniri in ratione luminis, sed solùm in ratione speciei, & forma intelligibilis.

Confirmatur: Lumen gloriæ est virtus quædam vitalis, vitalitate supernaturali; sicut enim intra ordinem naturæ datur sua vitalitas; ita intra ordinem supernaturalem, & divinum, reperitur etiam vitalitas supernaturalis; iuxta illud Apostoli ad Rom. 6. *Gratia Dei vita æterna*: Sed Deus non potest immediatè per seipsum supplere vices principij vitalis, cum omne principium vitale debeat esse intrinsecum operanti, ut docent Philosophi in li-

bris de Anima: Ergo Deus non potest immediatè per seipsum , vices luminis gloriae supplere.

## §. II.

*Secundus explicandi modus reprobatur.*

19. **D**ico secundo: Intellectum creatum non posse reddi intrinsecè potentem ad videndum Deum , per solam ejus assistentiam , aut concursum simultaneum ordinis supernaturalis : Sed ad hoc necessarium esse lumen gloriae , per modum habitus , vel auxilij communicatum.

Probatur primo ex D. Thoma 2. 2. quest. 175. art. 3. ad 2. ubi ait: *Essentia divina videri ab intellectu creato non potest, nisi per lumen gloriae, de quo dicitur Psal. 35. in lumine tuo videbimus lumen: quod tamen dupliciter participari potest. Uno modo per modum forme immensitatis, & sic beatos facit Santos in patria, alio modo per modum cuiusdam passionis transiuntis, & hoc modo lumen illud fuit in Paulo quando raptus fuit.* Unde cum visio beatifica quæ fuit in Paulo , non fuerit de potentia ordinaria , sed extraordinaria ; & tamen in ordine ad illam ponat D. Thomas lumen gloriae tanquam omnino necessarium , manifestum est ex ejus doctrina , intellectum creatum , non elevatum lumine gloriae , per modum habitus vel auxilij communicato , non posse clare videre Deum.

20. Probatur secundò conclusio ratione quam idem S. Doctor 3. contra Gent. cap. 53. insinuat. Non potest fieri specialis assistentia & unio Dei cum creatura , nisi ratione aliquius virtutis , vel formæ in ipsa recepta : Ergo si in visione beatifica fiat specialis assistentia , & unio Dei cum intellectu creato , debet in eo recipi aliqua virtus , per quam eleveretur , & fiat intrinsecè potens ad videndum Deum , qua non potest esse alia quā lumen gloriae , per modum habitus , vel auxilij communicatum. Consequentia patet , Antecedens probatur primi ratione D. Thoma. Quando aliqua duo uniuntur , oportet quod hoc fiat per mutationem utriusque , vel alterius tantum: Sed non potest fieri hac unio per mutationem ipsius Dei : Ergo fieri debet per mutationem creaturæ , quæ proinde ex vi hujus unionis , & specialis assistentiae , debet recipere de novo aliquam virtutem. Secundo , in sententia D. Thomæ, Deus non est in aliis nisi per operationem , ut ostendimus suprà , exponendo attributum divinæ immensitatis. Unde si Deus speciali modo uniat intellectui beato , & fiat illi præsens & assistens , debet in illo aliquid producere , & illum intrinsecè immutare , per impressionem aliquius virtutis , aut qualitatis supernaturalis , quæ non potest esse alia , quā lumen gloriae.

21. Probatur tertio conclusio ratione fundamentali. Vel ex speciali illa assistentia , & unione Dei cum intellectu creato , derivatur in ipsum aliquam virtutem intrinsecæ , vel nulla ei superadditur? Si primum dicatur , habemus intentum : nam talis virtus superaddita , debebit esse quedam participatione divinæ intellectualitatis , ac proinde lumen gloriae , per modum habitus , vel auxilij communicatum. Si vero secundum affirmetur , sequitur quod ex tali assistentia , & unione , intellectus creatus non possit fieri intrinsecè potens ad eliciendam visionem beatam ; impossibile enim est , illud quod de se est impotens & improportionatum ad producendum aliquem effectum , vel eliciendam aliquam operationem , reddi potens , &

A proportionatum ad illam attingendam , nisi intrinsecè mutetur , ac proinde nisi in se recipiat aliquam formam , aut virtutem intrinsecam , quam antea non habebat : causam enim esse potentem ad operandum , non est aliqua denominatio extrinseca , sed intrinseca , à virtute aliqua , & principio interno petita : Unde communiter dicitur , *Idem manens idem , semper facit idem.*

Confirmatur priuè: Nulla causa agere potest , nisi prius , saltem natura , habeat in se virtutem physicam & realem ad agendum ; nam actus prius essentialiter presupponitur ad secundum : unde est illa celebri regula in Topicis , *Ab actu ad potentiam , optima est consequentia.* Quare si Deus velit aliquam creaturam operari , & producere aliquem effectum , requiritur indispensabiliter , quod ponat , vel supponat in ea virtutem ad illum producendum ; alioquin talis causa non ageret , sed Deus ad ejus presentiam , talem effectum produceret: Ergo cum intellectus creatus , non habeat ex se virtutem , saltem proximam & immediatam , ad videndum Deum ; nisi Deus eam illi communicet , & infundat lumen gloriae , per modum habitus , vel auxilij , ad visionem beatificam elevari non poterit.

Confirmatur secundò: Omnis causa efficiens , antequam producat aliquem effectum , vel elicat aliquam operationem , debet eam in se praecontinere , saltem virtualiter ; alias non posset illum producere , & extra se emittere : Sed intellectus creatus non potest visionem beatificam , intrinsecè , & virtualiter praecontinere , nisi ratione aliquius virtutis supernaturalis in ea recepta , quæ non potest esse alia quam lumen gloriae : Ergo ad videndum Deum , necessario requiritur lumen gloriae.

Denique suadetur conclusio , & ostenditur , per concursum Dei simultaneum , intellectum creatum non posse constitui intrinsecè potentem ad videndum Deum . Implicat causam aliquam constitui potentem in actu primo , per aliquid selenens ex parte actu secundi : cum actus prius præcedat secundum , prioritate saltem naturæ : Sed concursus simultaneus se tenet ex parte actu secundi ; est enim ipsa actio causæ secundæ , prout est à Deo simul operante cum illa : Ergo implicat quod intellectus creatus fiat intrinsecè potens ad videndum Deum , per solum concursum simultaneum , & sine impressione aliquius virtutis aut qualitatis elevantis.

Confirmatur: Intellectus non potest elevari per id ad quod eget elevatione: Atqui egere elevatione ad illud quod se tenet ex parte actu secundi , & quod est idem cum ipsa visione : Ergo &c.

Confirmatur amplius: Cum concursus simultaneus non sit influxus in causam , sed in actionem vel effectum . eam intrinsecè non immutat : Ergo non reddit illam intrinsecè potentem. Consequentia patet : repugnat enim causam aliquam de impotente fieri intrinsecè potentem , ad eliciendam aliquam operationem ordinis altioris & supernaturalis , sine intrinseca ejus mutatione.

Dices primò cum recentioribus : Ex duabus trahentibus navim , quilibet scorsum sumpus est impotens , & improportionatus ad talen tractionem , & fit potens & proportionatus per solum concursum simultaneum alterius , absque intrinseca sui mutatione : Ergo idem dici potest de intellectu creatus , respectu visionis beatifica.

Sed contra : Improportio causa partialis pro-

22.

23.

24.

25.

26.

T ij